



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU  
GODIŠNJEG FINANSIJSKOG IZVJEŠTAJA ZA 2005. GODINU  
HRVATSKE KRŠĆANSKE DEMOKRATSKE UNIJE

Broj: 09-07-6-475/06  
Sarajevo, 17. april 2007. godine

## **SADRŽAJ:**

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KANCELARIJSKE REVIZIJE .....	5
Predmet kancelarijske revizije .....	5
Cilj kancelarijske revizije.....	5
Obim kancelarijske revizije .....	5
4. PRETHODNE REVIZIJE.....	5
5. NALAZI KANCELARIJSKE REVIZIJE I PREPORUKE .....	5
5.1. NALAZI .....	5
5.2. PREPORUKE.....	5

## MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja **Hrvatske Kršćanske Demokratske Unije** za 2005. godinu

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

1. Stranka nije ispoštovala odredbe člana 11. stav 3. Zakona o finansiranju političkih stranaka. Finansijske izvještaje nije popunila u skladu sa Pravilnikom o godišnjim finansijskim izvještajima političkih stranaka. Pravilno su popunjeni samo zbirni obrasci na nivou stranke, dok su uz ostale nepopunjene obrasce finansijskog izvještaja, dostavljene finansijske kartice koje ne mogu zamijeniti obrasce propisane Pravilnikom.

**Na osnovu našeg pregleda, odnosno revizije finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke, te nije potrebno vršiti dodatnu reviziju u prostorijama stranke po članu 14. stav 7. Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja Hrvatske Kršćanske Demokratske Unije za 2005. godinu

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska Kršćanska Demokratska Unija je iskazala prihode u iznosu od 20.200,07 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr. lica	0,00	
6	Prihodi od poklona	0,00	
7	Prihodi iz budžeta	20.194,32	99,08 %
8	Ostali prihodi	5,75	0,02 %
	<b>Ukupni prihodi:</b>	<b>20.200,07</b>	<b>100,00%</b>

U godišnjem finansijskom izvještaju Hrvatska Kršćanska Demokratska Unija je iskazala ukupne rashode u iznosu 95.884,20 KM.

## 2. PREDSTAVLJANJE POLITIČKE STRANKE

Naziv političke stranke: Hrvatska Kršćanska Demokratska Unija. Skraćeni naziv stranke je HKDU. HKDU je registrovana 28.06.2005. godine kod Županijskog suda Livno pod brojem R-20/2001.

Sjedište političke stranke je u Tomislavgradu, ulica Kulina Bana bb.

Za zastupanje stranke i podnošenje finansijskih izvještaja za 2005. godinu ovlašten je Ivan Musa, predsjednik stranke .

U godišnjem finansijskom izvještaju HKDU za 2005. godinu je navedeno da politička stranka nema organizacionih dijelova nižeg nivoa.

### 3. OPIS PREGLEDA I KANCELARIJSKE REVIZIJE

**Predmet kancelarijske revizije je** godišnji finansijski izvještaj HKDU za 2005. godinu

**Cilj kancelarijske revizije** je da revizor na bazi finansijskog izvještaja pokuša da ustanovi da li je HKDU u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim kancelarijske revizije** finansijskih izvještaja HKDU obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava

### 4. PRETHODNE REVIZIJE

Do sada nije vršena revizija finansijskih izvještaja HKDU.

### 5. NALAZI KANCELARIJSKE REVIZIJE I PREPORUKE

#### 5.1. NALAZI

1. Stranka nije popunila finansijske izvještaje u skladu sa Pravilnikom o godišnjim finansijskim izvještajima. Pravilno su popunjeni samo zbirni obrasci na nivou stranke (obrazac 1, obrazac 2, obrazac 3 i obrazac 4), dok su uz ostale nepopunjene obrasce finansijskog izvještaja, dostavljene finansijske analitičke kartice koje ne mogu zamijeniti obrasce propisane Pravilnikom o godišnjim finansijskim izvještajima<sup>1</sup>
2. U finansijskom izvještaju HKDU je iskazala obavezu prema preduzeću „Lijanovići“ d.o.o. u iznosu od 68.000,00 KM. Podaci o zaduženju su nepotpuni, te se ne može zaključiti da li se radi o zajmu ili kreditu (preduzeća ne mogu davati kredite). Nisu navedeni rokovi i način povrata sredstava.

#### 5.2. PREPORUKE:

*Na osnovu uočenih nedostataka Hrvatskoj Kršćanskoj Demokratskoj Uniji se preporučuje:*

- *Stranka mora podnositi finansijske izvještaje u skladu sa članom 11. stav 3. Zakona o finansiranju političkih stranaka:*
  - *finansijski izvještaj treba biti sačinjen u formi propisanoj Pravilnikom o godišnjim finansijskim izvještajima političkih stranaka i sadržavati podatke propisane tim pravilnikom*

Hasida Gušić, šef Službe za reviziju - revizor

---

<sup>1</sup> U skladu sa odredbama člana 11. stav 3. Zakona o finansiranju političkih stranaka („Službeni glasnik BiH“ broj 22/00), političke stranke su obavezne podnositi finansijski izvještaj u formi koju odobri Centralna izborna komisija BiH.